



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

XCIV. Des Kurfürsten Joachim Bewilligung eines Damm- und Deichselzolles für die Stadt Bärwalde, vom 30. November 1513.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

bissher gehabt, In crafft vnd macht dits Briefs, doch das Sy vns vnd vnser her schafft daruon thun, pflegen vnd dienen sollen, wie gewonlich vnd biszher gescheen, Auch vns, vnseren Erben vnd nachkommen marggrauen zu Brandenburg an vnfern vnd sunst ydermeniglich an seiner gerechtigkeit an schaden. Zu urkunt etc. datum dinstags nach Reminiscere, Anno etc. XV^c. XI.

Nach dem Churmärkischen Lehnscopialbuche XXX, 8.

XCIV. Des Kurfürsten Joachim Bewilligung eines Damm- und Deichselzollens für die Stadt Bärwalde, vom 30. November 1513.

Wir Joachim etc. Bekennen etc., Als vnser liebe getrewen Burgermeystern vnd Rathmannen vnser Statt Bärenwalde vns angezeigt, das ein grosse strasse von frembden fhurlewitten bey Inen durchgeyt, derwegen Sie mit grosen vnkosten die themme vnd Steynwege halten müssen, vnd demütiglich gebeten haben, Inen vnd Iren nachkomen zu erhaltung solcher themme vnd Steynwege mit einem diesel pfenningk von allen außländischen Fhurlewitten, so in vnd durch die Statt fahren, zu nemen, zu begnaden vnd zu vergonnen, das wir in ansehung solcher Irer demütigen bett vnd getrewen willigen dinst, so Sie vns vnd vnser her schafft gutwilliglich erzeigt, Auch aus sonderlichen genaden willen vnd zu besserung der themme, Steynwege vnd vnser Statt, gedachten Burgermeistern vnd Rathmannen zu Bärenwalde, die nu sein vnd zukunfftig sein werden, Begnad, vergont vnd erlewbt haben, von einem iglichen frembden vnd außländischen fuhrmann, der In vnd durch Ir Statt fabret, einen diesel pfenningk zu nemen, vergonnen vnd erlewben Inen solche diesel pfenningk zu nemen vnd begnaden Sie damit, wie obsteyt, In crast diczs bryffs, doch das der Rath folich diesel gelt zu besserung, nucz vnd fromen der themme, Steynwege vnd vnser Stat wenden vnd gebruchen etc. — Actum Colen an der Sprew, am donerstag nach katherine, Anno etc. XIII^o.

Desgleichen Brief vnd begnadigung eins deihfelpfenning ist den von Reppen geben, doch vff Widerrufen der Her schafft. Actum am tag fabiani, anno XV^c. decimo septimo.

Nach dem Churmärkischen Lehnscopialbuche XXX, 284.

XCV. Annahme des Nicolaus Zcerer zum Kastner zu Küstrin, vom 30. Mai 1518.

Wir Joachim, churfurst etc., Bekennen etc. — das wir vnfern lieben getrewen Nicolausen Zcerer zw vnserm Castner zw Cüstrin aufgenommen haben vnd nemen In also auff zw vnserm Castner, wie obstehet, In crafft vnd macht dits brives, vnd sollen Im alle Jar Jerlich, die-